



Sámi allaskuvla
Sámi University College

OAHPPOPLÁNA

**KOMMENTÁRA- JA
KULTURJOURNALISTIHKKA**

10 oahppočuoggá

1. OAHPPPOVTTADAGA NAMMA

Kommentára- ja kulturjournalistihkka
Kommentar- og kulturjournalistikk
Commentary and Culture Journalism

2. OPPALAŠ DIEĐUT OAHPU BIRRA

- OAHPPPOVTTADAGA KODA: JOU200
- VIIDODAT: 10 oahppočuoggá
- OAHPU LÁGIDEAPMI: Oahpahus lágiduvvo dábálaččat ollesáiggi oahppun Journalistihka bachelorprográmma njealját lohkanbajis Sámi allaskuvllas Guovdageainnus.

3. OAHPPOPROGRÁMMA GULLEVAŠVUOHTA

Oahppoovttadat lea geatnegahtton oassi Journalistihka bachelorgrádas

4. SISABEASSANGÁIBÁDUSAT

Sámi allaskuvlla vuodđooahpuid oppalaš sisaváldingáibádusat leat oppalaš lohkanlabbolašvuohta dahje reálagelbbolašvuohta ja sámegiella. Sámegiella gáibádusa sáhtá deavdit čuovvovaš vugiid mielde: Sámegiella 1. dahje 2. giellan joatkkaskuvllas, Suoma bealde logahagas eatnigielladutkkus dahje guhkes amasgielladutkkus ja Ruoŋa bealde Modersmål A, B ja C dahje dušše A ja B. Sámegiella gáibádusa sáhtá maid deavdit Sámegiella lohkanbadjeoahpuin 30 oč dahje vástideddjiin, dahje ceavzit sámegiella geahččaleami man Sámi allaskuvla lágida.

5. OAHPAHUSGIELLA

Oahpahusgiella lea davvisámegiella. Eará gielat sáhttet geavahuvvot oahpahusas. Oahpahus eará gielaide dulkojuvvo dárbbu mielde. Oahpahus eangalsgillii ii dulkojuvvo.

6. SISDOALLU

Studeanttat ohppet kommentárajournalistihka iešguđet šánjeriid, maiddái kultuvra- ja dáiddakritihka. Dasa lassin ohppet kulturjournalistihka guovddáš ovdanbuktinvugiid kulturođđasiid ja kulturreportášaid. Sii galget oahpásnuvvat sámi kulturorganisašuvnnaiguin ja háhkat máhtu sámi ja álgoálbmogiid dáiddafilosofija birra.

7. OAHPPANJOKSOSAT

- Studeanta hálddaša iešguđetlágan kommentárašánjeriid ja kultuvrra ja dáidaga kritihka, ja máhtá geavahit iešguđetlágan ákkastallanvugiid.
- Studeanta máhtá árvvoštallat ja analyseret iežaset ja earáid ákkastallanvugiid.
- Studeanta máhtá kulturjournalistihka guovddáš ovdanbuktinvugiid: kulturođđasiid, kulturreportáša ja kritihka.

- Studeanta dovdá sámi ja álgoálbmogiid dáiddafilosofijja, Sámi kulturorganisašuvnnaid ja Sámi kultursuorggi ekonomijja váldosárggastagaid
- Studeanta dovdá oarjemáilmmi populárakultuvrraid ja álgoálbmogiid dáidagiid/kultureallima gaskavuođa

8. OAHPAHAN- JA OAHPPANVUOGIT

- seminárat
- fágalogaldallamat ja digaštallamat
- bargobadji ja joavkobarggut
- oktagaslaš bargobihtát
- bagadallamat ja ságastallamat (dialoga)

Vurdojuvvo ahte studeanttat oassálastet aktiivvalaččat buotlágan oahpahusvugiide ja lohket lohkanmeari. Oahpus leat dárbu ahte studeanttat ieža háhket dieđuid iešguđetge fáttáin. Studeantabarggut galget dábálaččat ovdanbuktot plenumas, gos buohkat leat fárus árvvoštallame barggu.

9. GÁIBÁDUSAT BEASSAT EKSÁMENII

Oahpahussii, semináraide ja kurssaide lea geatnegahtton searvat. Fágaoahpaheaddji dohkkeha studeantta oassálastima. Kurssa dohkkeheami gáibádussan lea unnimusat 80 proseantta oassálastin ja buot bargobihtát galget leat máhcahuvvon ja 80 proseantta dohkkehuvvon. Studeanttat geatnegahttojuvvojit čađahit studeantabargguid maid fágajođiheadji almmuha logaldallamiid olis. Buot geatnegahtton barggut čohkkejuvvojit bargomáhppii mii lea vuodđun eksámenis.

10. EKSÁMEN

Golmma beaivvi čálalaš ruovttueksámen mii lea čadnon bargomáhppii. Studeanta buktá olles bargomáhppa ja čállá ságaškuššan- ja smiehtadančállosa ovttá dihto bargobihtá birra masa maid laktása lohkanmeari girjjálašvuođa. Sihke bargomáhppa ja čálus leat vuodđun árvosáni mearrideamis. Árvosáni addojuvvojit ECTS vuogádaga mielde, mas A lea buoremus árvosátni ja E lea vuolimus ceavzinsátni. F árvosátni mearkkaša ahte ii leat ceavzán. Eksámenat čađahuvvojit Norgga Universitehta ja allaskuvlla lága ja Sámi allaskuvlla eksámennjuolggadusaid vuodul.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat. Oahpu máhttámušaid oliheapmi eaktuda studeantta searvama oktasaš fágalaš deaivvademiide ja ságastallamiidda.

12. KVALITEHTASIHKKARASTIN

Čujuhuvvo SA kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Fágaoahpaheaddji veahkeha studeanttaid geat eai máhte dárogiela, gávdnat dárogiela girjjálašvuhtii bálddalas lohkašu eará gillii.

Bech-Karlsen, Jo 1991: Kulturjournalistikk. 257 s.

Hauglid Stein B., ja Gauslaa Stein 1997: En bok om ledere. Institutt for Journalistikk. Fredrikstad. 100 s.

Hætta, Odd Mathis 2002: Samenes – Nordkalottens urfolk del 3, Samfunn. s.123–248.

Lorentzen, Ludvig 1996: Petiten. Institutt for Journalistikk, Fredrikstad. 110 s.

Roksvold, Thore (doaim.) 1994: Kritikk av kunst, bok og musikk. Institutt for journalistikk, Fredrikstad. s. 9-54.

Sneve, Stein 2004: Kommentarsjangeren: Bodø allaskuvla. 115 s.

Solbakk, John Trygve 1991: Árvvoštalliid árvvoštallamiid árvvoštallan. Gaski Harald (doaim.): cafe Boddu. Davvi Girji OS. Kárášjohka s. 108-124.

Skum, Ingrid Mari-Anne 2003: Oaivečálus. Oamastanberoštumiid vai čearddalašvuoda govvideaddji? Sámi allaskuvla. Guovdageaidnu. 22 s.